

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA NANE

KIKAO CHA SABA

05 FEBRUARI, 2020



ORODHA YA SHUGHULI ZA LEO

MKUTANO WA KUMI NA NANE

KIKAO CHA SABA – TAREHE 05 FEBRUARI, 2020

I. DUA:

II. HATI ZA KUWASILISHA MEZANI:

MWENYEKITI WA KAMATI YA KUDUMU YA BUNGE YA MAMBO YA NJE, ULINZI NA USALAMA:

Taarifa ya Kamati ya Kudumu ya Bunge ya Mambo ya Nje, Ulinzi na Usalama kuhusu Shughuli za Kamati kwa Mwaka 2019.

MWENYEKITI WA KAMATI YA KUDUMU YA BUNGE YA NISHATI NA MADINI:

Taarifa ya Kamati ya Kudumu ya Bunge ya Nishati na Madini kuhusu Shughuli za Kamati kwa Mwaka 2019.

III. MASWALI:

OFISI YA RAIS (TAMISEMI):

**81. MHESHIMIWA RAPHAEL JAPHARY
MICHAEL (MOSHI MJINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Halmashauri ya Manispaa ya Moshi haina Hospitali ya Wilaya na kuifanya Hospitali ya Mkoa ya Mawenzi izidiwe na idadi ya Wagonjwa:-

Je, ni lini Serikali itatenga fedha ili kujenga Hospitali ya Wilaya katika Manispaa ya Moshi.

82. MHESHIMIWA ZAYNAB MATITU VULLU (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Kazi zote za Utawala na fedha katika Zahanati, Vituo vya Afya na Hospitali za Wilaya zinasimamiwa na Mganga Mfawidhi wa Wilaya wa eneo husika:-

Je, Serikali ina mkakati gani wa kuwapa elimu ya Utawala na Usimamizi wa Fedha Madaktari hao ili kuwawezesha kufanya kazi zao kwa ufanisi zaidi.

83. MHESHIMIWA JUMA KOMBO HAMAD (WINGWI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Watu wanaoishi na VVU wanapata shida sana katika kupata lishe bora na matibabu ya uhakika:-

- (a) Je, Serikali imejipangaje katika kuwapa mikopo itakayowasaidia kuendesha maisha yao kupitia vikundi mbalimbali;
- (b) Je, kwa nini Serikali isione umuhimu wa kutenga sehemu ya mapato ya ndani ya Halmashauri kwa ajili ya kundi hilo.

WIZARA YA AFYA, MAENDELEO YA JAMII, JINSIA, WAZEE NA WATOTO:

84. MHESHIMIWA MARIAM NASSORO KISANGI (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Eneo la Chamazi Mbagala katika Kitengo cha Afya ya Akili limetelekezwa na hakuna ukarabati wa majengo yaliyopo wala uendelezwaji wa eneo hilo:-

Je, Serikali ina mpango gani wa kuliendeleza eneo hilo.

85. MHESHIMIWA FATMA HASSAN TOUFIQ (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Ukatili dhidi ya Wanawake na Watoto bado unaendelea kwa kiwango kikubwa hapa nchini:-

Je, Serikali ina mkakati gani wa kuwahudumia kwa unasihi na unasaha wahanga wa ukatili huo.

WIZARA YA VIWANDA NA BIASHARA:

86. MHESHIMIWA ESTHER AMOS BULAYA (BUNDA MJINI):

Atamuuliza Mheshimiwa Waziri wa Viwanda na Biashara:-

Je, Serikali ina mpango gani juu ya kufufua Kiwanda cha USHASHI GINERY kilichopo Bunda ili kukabiliana na changamoto ya ajira hasa kwa Vijana.

87. MHESHIMIWA JAMES KINYASI MILLYA (SIMANJIRO):

Atamuuliza Mheshimiwa Waziri wa Viwanda na Biashara:- Jimbo la Simanjiro lina Wakulima wa Vitunguu Maji kwenye Kata za Ruvu, Remit,

Ngage, Ngorika na Msitu wa Tembo kutokana na maji ya uhakika toka Mto Pangani:-

- (a) Je, Serikali ina mpango gani wa kuwatafutia masoko Wakulima hawa ambao ni Watanzania wanaopambana ili kujikwamua kiuchumi na kuongezea nchi mapato;
- (b) Wafanyabiashara kutoka nchi jirani ya Kenya wanatumia fursa ya ukosekanaji wa masoko kwa Wakulima wetu kwa kuwanyonya; Je, Serikali inawezaje kuweka mkakati wa uhakika ili kuwasaidia Wakulima wetu wasinyonywe.

WIZARA YA MALIASILI NA UTALII:

88. MHESHIMIWA GOODLUCK ASAPH MLINGA (ULANGA):

Atamuuliza Mheshimiwa Waziri wa Maliasili na Utalii:- Nchi yetu imebarikiwa kuwa na Hifadhi nyingi zenye Wanyama wengi wa kuvutia lakini mapato yatokanayo na utalii ni kidogo:-

Je, Serikali ina mikakati gani ya kuongeza mapato ya utalii.

89. MHESHIMIWA AMINA SALEH MOLLEL (VITI MAALUM):

Atamuuliza Mheshimiwa Waziri wa Maliasili na Utalii:-

Je, ni kwa namna gani Wakala wa Misituni (TFS) inashirikiana na Mamlaka za Serikali za Mitaa hususan Wilaya katika kusimamia misitu hapa nchini.

WIZARA YA MAMBO YA NDANI YA NCHI:

90. MHESHIMIWA TAUHIDA CASSIAN GALOSS (VITI MAALUM):

Atamuuliza Mheshimiwa Waziri wa Mambo ya Ndani ya Nchi:-

Je, kwa nini Serikali haioni umuhimu wa kufunga Kamera ndani ya Vituo vya Polisi ili kupunguza malalamiko kwa baadhi ya Wananchi wanapohudumiwa kwa kumuwezesha Mkuu wa Kituo kufuatilia mwenendo wa shughuli za Kituo akiwa Ofisini au kwa kutunza kumbukumbu za matukio yanayotokea kwenye Vituo hivyo.

91. MHESHIMIWA WILLIAM DUA NKURUA (NANYUMBU):

Atamuuliza Mheshimiwa Waziri wa Mambo ya Ndani ya Nchi:- Kituo cha Polisi cha Wilaya ya Nanyumbu kinatumia majengo ya nyumba za kuishi Askari Polisi:-

Je, ni lini Serikali itatenga fedha kwa ajili ya ujenzi wa Kituo cha Polisi Wilaya ya Nanyumbu.

WIZARA YA MADINI:

92. MHESHIMIWA AIDA JOSEPH KHENAN (VITI MAALUM):

Atamuuliza Mheshimiwa Waziri wa Madini:-

Je, kwa sasa Tanzania ina aina ngapi za madini.

93. MHESHIMIWA DKT. DALALI PETER KAFUMU (IGUNGA):

Atamuuliza Mheshimiwa Waziri wa Madini:- Madini ya *Tanzanite* yanapatikana nchini Tanzania pekee, juhudi za kufanya madini haya kuchimbwa na Watanzania pekee kwa Kanuni za Madini za Mwaka 2004 na Sheria ya Madini ya Mwaka 2010 hazijaweza kuzaa matunda:-

- (a) Je, kwa nini Tanzania isiyatangaze madini ya *Tanzanite* kuwa ni Nyara ya Taifa itakayovunwa na Serikali pekee ili kuongeza manufaa ya kiuchumi kwa Taifa letu;
- (b) Je, kwa nini Serikali isiende kujifunza nchini Zimbabwe kuona jinsi ilivyofanikiwa kuyafanya madini ya Almasi kuwa Nyara ya Serikali na hivyo kuleta manufaa makubwa sana kwa nchi hiyo.

94. MHESHIMIWA BALOZI ADADI MOHAMED RAJAB (MUHEZA):

Atamuuliza Mheshimiwa Waziri wa Madini:-
Katika Kata ya Mbomole maeneo ya Sakale Wilayani Muheza kuna madini ya Dhahabu ambayo Wananchi wamekuwa wakichimba bila vibali na hivyo kukamatwa kwa kuharibu chanzo cha maji cha Mto Zigi:-

- (a) Je, ni lini Serikali itatuma Wataalam ili kuweza kujua eneo hilo lina madini kiasi gani;
- (b) Je, Serikali ipo tayari kuweka utaratibu mzuri ambao utahakikisha kuwa Wachimbaji hao wanachimba eneo ambalo hawatasumbuliwa.

WIZARA YA NISHATI:

**95. MHESHIMIWA VICTOR KILASILE
MWAMBALASWA (LUPA):**

Atamuuliza Mheshimiwa Waziri wa Nishati:-

Je, ni lini Serikali itakamilisha Miradi ya Umeme Vijijini katika Vijiji ambavyo bado havijafikiwa Wilayani Chunya.

IV. HOJA ZA KAMATI:

**MWENYEKITI WA KAMATI YA KUDUMU YA
BUNGE YA MAMBO YA NJE, ULINZI NA
USALAMA:**



Kwamba, Bunge sasa lipokee na kukubali Taarifa ya Kamati ya Kudumu ya Bunge ya Mambo ya Nje, Ulinzi na Usalama kuhusu Shughuli za Kamati kwa Mwaka 2019.

**MWENYEKITI WA KAMATI YA KUDUMU YA
BUNGE YA NISHATI NA MADINI:**

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Nishati na Madini kuhusu Shughuli za Kamati kwa Mwaka 2019.

**DODOMA
05 FEBRUARI, 2020**

**S. KAGAIGAI
KATIBU WA BUNGE**